

Marcelle Drutel

D'un jardin



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

Flores apparuerunt in terra nostra.

I - POURTISSOUN

Es tard!—La luno mounto... Frelò e duro
banejo dins lou trèu, eilamoundaut.
La lus bluiejo alin, e lis ensigno,
clarino, fan babau dóu coustat de l'uba.
La grandò Emo à revés que dien Cassioupèio
clavello lou pounènt monte a cala l'oumbrun.
Lou cèu s'es pimparra de la founsour tant lindo
que rènd l'escuro niue mai gaio que lou jour.

Encro sus lou cèu sin qu'apre-foundis l'espàci,
li formò, à moun entour, vibron coume un resson.
Vaqui la jasso sournò emé sa crous de ferre
qu'au buta dóu mistrau se troussò vers l'adré.
Lis agnèu bèlon plan. Dins la souloumbro escrèto,
l'oudour de l'apaïun tebejo à moun coustat
caudo coume au Belèn.

La routò, aperalin, tortò un moumen, camino
dindantò e palo dins la niue.
Lis auciprès gigant s'aplanton à l'intrado
di caminet coustié que s'en van dins l'escur.
Nosto-Damo, à l'esquerro, viho...
Lou païs pauso,
misterious, pauru, maugrat si lumenoun.
Devers lou pounentés, lou castelas s'escafo;
la routò amount s'adraio au mitan di valoun.

Davans vous, desenant, vaqui pouja li Barro
que segnourejon daut en dessubre dóu plan.
Si rancaredo duro e blanco à la primo-aubo
aro grisejon manso e chaumon dins l'espai
coume un erseja len dis oundò de la terro.